

1  
1962



ჩვენი რესპუბლიკის უმაღლესი სასწავლებლების ზოგიერთი კურსდამთავრებული თავს არიდებს განაწილების მიხედვით რაიონში სამუშაოდ წასვლას.

- გიგა, ესენი უცხოელი ტურისტები არიან?!
- არა, კაცო, ექიმები ვართო, ამბობენ!
- მერე და საქეიფოდ თუ მოსწონთ ჩვენი სოფელი, სამუშაოდ რად არ მოდიან?!


№ 13

თბილისი ივლისი

1962

# რეზი

გაბრცობის XXXX წელი, ფასი 20 კპპ.



1-62

29 ივნისს ქენევაში გამართულ ევროპის ჩემპიონთა თასის გათამაშების ფინალურ მატჩში თბილისის „დინამოს“ კალათბურთელებმა დაამარცხეს მადრიდის „რეალი“ და მოიპოვეს ევროპის თასი.

ვადღეგრძელებთ თქვენს მარჯობას,  
ხელმარდობას, თვალმარდობას,  
ევროპაში გამარჯვებას,  
შავარდნულად ნავარდობას,

გამძლეობას და მძლეობას,  
გასახარად ბევრ ათასის,  
თქვენს ჭაბუკურ მწეგრძელობას  
ვადღეგრძელებთ თქვენივ თასით

და ფეხბურთშიც მოვისურვებთ,  
როგორაც თქვენ გვასახელებთ,  
სწორედ ისე გვასახელონ  
თქვენმა თანამოსახელებთ.



რესტორან-საპარიკმახერო

უველა რესტორანი რომ პრინციპში საპარიკმახეროს ჰგავს და უველა ოფიციალტი პარიკმახერს, ეს კი იცოდა, ნიანგმა, რადგან ორთავე დაწესებულებაში მომხმარებელს ერთნაირად კრეჭენ და ატყაუებენ, მაგრამ ამ მოვლენას თუ ასეთი ოფიციალური ხასიათი შეიცემოდა, არ ეგონა. ისე, კაცმა რომ თქვას, რატომ არ უნდა ერჭვას საგნებს თავიანთი სახელი? ჰოდა, ინიციატივა ისევ გორის სასტუმრო „ინტურისტმა“ გამოიჩინა. მან ჯერ კიდევ ორი წლის წინ განცხადებაც კი გამოაკრა სასტუმრო „ინტურისტის“ სადარბაზოზე: „ისარგებლეთ პირველი კლასის სასტუმრო ინტურისტით, სასტუმროსთან მუშაობს რესტორანი-საპარიკმახერო“.

როგორც ხედავთ, წარწერა საკმაოდ ორიგინალური და რესტორნის სახელწოდება პირდაპირ განსაცვიფრებელი. ახლო მომავალში ადგილი შესაძლებელია გორში გაიხსნას სასტუმრო „სახარაზო“, სასტუმრო „სარემონტო“, სასტუმრო „ხიჩისტკა“ და სხვა. ტურისტებო და ინტურისტებო, ნუ ჩაუვლით გულგრილად ამ ამადღევებელ წარწერას.




ეს ის ბატები არ გვეგონოთ, რომი რომ გადაარჩინეს, მაგრამ, როგორც თვითონ უყიენებენ, მათი შთამომავალნი არიან და ახლა ქ. ოჩამჩირის ქალაქის საბჭოს მესვეურებს კებით იხსენიებენ, რომ ნინოშვილის ქუჩა უპატრონოდ მიაგდეს და ამით მათ საცურაო გუბეები გაუჩინეს.

როგორც ჩანს, ბატები მართლაც კარგად გრძნობენ აქ თავს, მაგრამ მანქანებმა რა ქნან, ტალახში რომ ეფლობიან, მოსწავლეებმა რა ქნან, — გუბეებში რომ ცვივიან. დამით ვინ დაეძებს, დღისით ჭირს გავლა. მცხოვრებთა ზვეწნა-მუღარას არავინ უგდებს ყურს, როგორც გინდოდეთ, ისე გადით და გამოდით, ჩვენ თავი დაგვანებეთო.

ქალაქის საბჭო იმასაც ამბობს ამ ქუჩის კეთილმოწყობა რკინიგზის საქმეაო, რკინიგზა ქალაქის საბჭოსაკენ იშვერს რელსებს, წინ იყურეთ, თქვენი საქმე ნახეთო.

ჩვენ ისლა დაგვრჩენია ერთნიც და მეორენიც ერთ ორჯერ მაინც გავატაროთ ამ ქუჩაზე, იქნება რომელიმემ ან ორივემ გაუწიონ მას პატრონობა.



რაჭაში რომ ცუდი გზები იყო, ეს ჯერ კიდევ აკაკი წერეთლის მოგზაურობიდან იციან მკითხველებმა, მსცოვანი პოეტი სულ ხელით უტარებიათ რაჭაში. მას შემდეგ ბევრმა წყალმა ჩაიარა რიონის კალაპოტში და ახლა უკვე თამამად შეიძლება ფეხით სიარული, ოღონდ მანქანით ნურას უკაცრავად. და, რადგან ჩვენ აკაკივით პატივსაცემნი არ ვიყავით და ხელით არავინ გვატარებდა, ხოლო ფეხით სიარულის არცთუ ისე დიდი სურვილი გვქონდა, ამიტომ დავიჭირავეთ ჩვეულებრივი ვერტმფრენი. გავიყლიეთ რაჭის ისტორიისა და გეოგრაფიის სპეციალისტი და რამდენიმე საათში შევეუღვიეთ დავევიდეთ რაჭის მობიძინე სერებსა და დათოვილ ქედებს.

— ამბროლაურის რაიონი, — თქვა ჩვენმა გიდიმ და ამბროლაურის სანახებისაკენ თითი გაიშვირა, ვერტმფრენმა ოდნავ დაბლა დაიწია. უცებ გამოჩნდა მამაკაცი, რომელიც ბატონკატურად დასეირნობდა და მილიციის მუშაკებს ტუქსავდა.

— ო, ალბათ, ეს ვინმე დიდი თანამდებობის პირია. — ვკითხეთ გიდი.

გიდი დააკვირდა ზვიადს მოსეირნე კაცს და ღიმილით გვიპასუხა:

— აი, ბატონო, ეს ამბროლაურის კოლმეურნობის მალაზიის ყოფილი გამგე ამბროსი ნიკოლაშვილია.

დალოცვილი, ისე დადის, გვეგონება რაჭის ერისთავიაო.

— რატომ არ ივლის, ამას წინათ ორნახევარი ტონა, მოსახლეობისათვის სახელმწიფოს მიერ გამოყოფილი ხორბალი იყიდა მალაზიიდან ჩვეულებრივ ფასებში, ქუჩის მეორე მხარეს გადაიტანა თავის მალაზიაში და გადიდებულ ფასებში გაყიდა.

— აკი კოლმეურნობა რაიონებიდან უნდა იძენდეს ხორბალსო?

— ეგ არ შეშლია ამბროსის, სწორედ ასე გააფორმა, რაიონებში შევიძინეთ.

— მერე?

— მერე რა, წინათაც ჩავარდა ასეთი საქმიანათვის, მაგრამ ყურებზე ხახვიც ვერ დააჭრეს.

— ახლა მოხსნეს მაინც?

— მოხსნეს კი არა, შვიდ მარტს წელიწადნახევარი მიუსჯეს. ამბროსიმ იწყინა და გაასაჩივრა, მაგრამ უმადლესმა სსსამართლომ განაჩენი ძალაში დატოვა.

— რაღაც არ ეტყობა მაგას მისჯილი რომ ჰქონდეს, ალბათ საპატიმროში დიდი ავტორიტეტით სარგებლობს და თავისუფლად სეირნობის უფლებასაც აძლევენ.

— რას ბრძანებთ, ბატონო, პატიმრობაში საერთოდ არ აუყვანიათ და, მგონია, არც აპირებენ. ვერტმფრენმა თულებით დაბურულ ტყეს გადაუარა. ერთ ადგილას ტყე გამელოტებულ იყო.

— რა უცნაური მდელია ამ შუა ტყეში! — წამოვიძახეთ.

— თუ ამბროლაურის რაიონის სატყეო მეურნეობას ლანჩავასნაირი დირექტორი ეყოლება, მთელი რაჭა მალე მდელიად გადაიქცევა, — გაიღმა გიდი.

— როგორ? — დავინტერესდით ჩვენ:

— როგორ და ამ ადგილზედაც ისევე იწონება თავს თელა, როგორც ირგვლივ, მაგრამ მოვიდა ლანჩავა, 43 კუბომეტრი თელა გადათელა,

20 კუბომეტრი მომჭრელს უფეშქაშა, ხოლო თავისი კუთვნილი 23 კუბომეტრი ფიცრებად აქცია და სპეკულანტურ ფასებში გაიმასქნა.

— კარგი მადა ჰქონია ლანჩავას.

— მადა, იცოცხლეთ, საკუთარი ღორების ფერმაც ჰქონდა სამი წლის განმავლობაში.

— მერე და ვინ უვლიდა ამდენ ღორს?

— სატყეო მეურნეობის მეჯინებე.

— ცხენებს ვინდა უვლიდა?

— ცხენები სატყეო მეურნეობას არ ჰყოლია არასდროს, მაგრამ ლანჩავა შტატს ხომ არ გაუქმებდა და მეჯინებს ტყუილად ხომ არ მოაცილენდა, სასწრაფოდ შეაკვლევინა მეჯინებს პროფესია და საკუთარ მდლორედ აქცია.

— უყურე შენ ლანჩავას!

ვერტმფრენმა გეზი ხიდკრის კოლმეურნეობისაკენ აიღო. თვალი მოგვტაცა ფერდობებზე შეფენილმა ახალშენილმა ვენახებმა.

— ალბათ წელს ყურძნის დიდი მოსავალი იქნება, — ვთქვით ჩვენ და ხვანჭკარის არომატის გახსენებით გამოწვეული ნერწყვი გადავყლაპეთ.

— ეპ, — სევდიანად ამოიხრა გიდი, — შარშანაც არა უშავდა მოსავალს, მაგრამ ჩვენს კოლმეურნეობას იმდენი არაფერი დატყობია. კოლმეურნეობის თავმჯდომარის მოდგილემ თეოფილე ნიკოლაშვილმა კოლმეურნეობის კუთვნილი ნახევარ ტონამდე ყურძენი იწყინერ სოსო პაპუაშვილის სახელზე ისე გააფორმა, ისე ჩააბარა დამზადებას, ისე აიღო 193 მანეთი და ისე ჩაიკუჭა ჯიბეში, რომ პაპუაშვილსა და კოლმეურნეობის თავმჯდომარეს ვაკვირვებისაგან თვალები ახლაც შუბლზე აქვთ ასული, — ეს რა გვექნაო.

ამავე კოლმეურნეობის ბუღალტერი პეტრე საგანელიძე უფრო დიდი გაქანების კაცი აღმოჩნდა და კოლმეურნეობის 1250 კილოგრამი ყურძენი დამზადების კანტორისაკენ გააქანა. ყურძენი ვისიაო, რომ შეეკითხნენ, არც დაფიქრებულა, ისე უთხრა — პარკმახერ აბიბო ენუქიძის ვენახისაო. აბიბო ღელა აბიბო, ვინ მე და ვინ ვენახი, არც არასოდეს მქონია და არც ახლა მაქვსო.

— მაინც რამდენი აიღო პეტრე საგანელიძემ?

— 622 მანეთი უნდა აეღო, მაგრამ გაუგეს და ველარ მოასწრო. ახლა თეოფილე და პეტრე სხედან და გამოცილილებას უზიარებენ ერთმანეთს.

ონის რაიონი — ამბობს გიდი. ვერტმფრენმა მდინარე ქვედრულას გადაუარა. მდინარის მარცხენა ნაპირზე ხის პატარა ქოხები დგას. ქოხების წინ შადრევანი ამოჩქვფს.

— ეს რა წყალია? — ვკითხვით გამყოლს.

— სამი წელია, რაც ამ შადრევანმა ამოხეთქა, მინერალური წყალია. ამის თაობაზე საკურორტო სამმართველოს მიმართვა გავგზავნა. წყალს საუკეთესო თვისებები აღმოაჩნდა.

— მერე იმიტომ მიატოვეს ასე უპატრონოდ?

— ბასუხად ბალნეოლოგიური კვლევითი ინსტიტუტიდან გვაცნობეს, რომ მაისის თვეში კომისისა ჩამოვაო, მაგრამ მას შემდეგ ბევრმა შადრევანმა აიარა.

— ეს ქოხები ვილას ეკუთვნის?

— კერძო პირებმა ააშენეს, დალოცოს მათი მარჯვენა. ავადმყოფებს წყალტუბო რომ ვერ შევლის, აქ ჩამოდიან და განკურნებულები ბრუნდებიან. თქვენ წარმოიდგინეთ, ბალნეოლოგიური კვლევითი ინსტიტუტისათვის რომ ეცადათ, ახლაც დავარდომილები იქნებოდნენ.

ვერტმფრენმა გზა განაგრძო, ნიკორწმინდა უწერა, შოვი, მიგვითითებს გიდი, დაბლა კი მიიკლავნებოდა მდინარეები, ბილიკები და შარაგზები. ერთ-ერთ შარაგზაზე რაღაც მიბობდავს.

— ნეტავი, რა უნდა იყოს? — ვკვირდები ჩვენ.

— ეს ქუთაისის სოიუზტრანსის მანქანაა, შოვისკენ მიჰყავს დამსვენებლები, მაგრამ მაგათ შოვი კი არა, ვერაფერი ველარ გამოიკეთებს. — გვეუბნება გიდი და უჩინებლად იქნევს ხელს.

— რატომ, რატომ? — ვკითხვით.

— რატომ, ბატონო, და ამ ისედაც დანგრეულ გზაზე, ქუთაისის სოიუზტრანსი ისე დანგრეულ მანქანებს აგზავნის, რომ, დილით დამოსული, საღამოთი ძლივს აღწევს შოვს. 8-9 საათს უნდებიან მგზავრები ამ გზაზე ჯაყაყას. შოვი დიდებული კეთილმოწყობილი, ლამაზი კურორტია, კარგ ჰაერთან ერთად, დამსვენებელს კარგი მომსახურება და სმა-ჭამაც ხვდება კიდევაც შოვში და მართლაც რომ ვაშა შოვს ამ გზაზე გალახული კაცის გამოკეთება რომ შეუძლია.

— ალბათ დამსვენებლებს გართობაც შესაფერი ექნებათ.

— გართობის მხრივ ყველაფერი კარგად იქნებოდა, რომ ქუთაისის კინოგაქირავების კანტონა სიძველეების მოყვარული არ იყო. ამას იმიტომ ვამბობ, რომ, რაც ძველი კინოებია, ყველას აქვთ აგზავნის. ამის გამო იყო რომ შოვის კურორტმა კინოს გეგმა მხოლოდ 68% შესასრულა მაშინ, როდესაც ყველა დანარჩენი გადაჭარბებით ჰქონდა შესრულებული და პრემიაც დაჰკარგა. ბუნებრივია, დამსვენებლები სეირნობას არჩევენ, ვიდრე ძველი სურათის ნახვას.


კიდევ ბევრი რამ შემძლო მეტქვა, თუნდაც ონის კავშირგაბმულობის შოვის საფოსტო განყოფილების შესახებ, სადაც ყველა ოპერაციას მხოლოდ ორი მოსამსახურე აწარმოებს, რაც დიდ სიძნელეებს იწვევს, კიდევ იმაზე, რომ შოვს პირდაპირი სატელეფონო ხაზი არა აქვს, ხაზზე ჩართულია ღები, ჭიორა, გლოლა და დასასვენებელი სახლის დირექტორის ბინაზე ურეკვენ და თხოვენ ამ სოფლებთან შეერთებას. იმისათვის რომ საქმე მოგვარდეს, საჭიროა 18 კილომეტრზე ხაზის გაყვანა და ერთი მუშაის დამატება, მეტი არაფერი, მაგრამ სადაა პატრონი.

ჩვენ კიდევ გვინდოდა შეკითხვების მიცემა გილისთვის, მაგრამ მან ბოლიში მოიხადა, უკვე რაჭის საზღვრებს გავცდით და ველარაფერს გეტყვით, სხვა დროისათვის გადავდოთო.

ჩვენ მადლობა გადავუხადეთ და გულთბილად დავემშვიდობებთ გილს.

მომავალ შეხვედრამდე, ჩვენო ლამაზო რაჭა!

რაზველიშვილიანი.



68%



სახლი რომელზედაც სიტყვა უნდა ჩამოვადლოთ, ცხრა მთას იქით კი არ მდებარეობს, აგერაა, სოხუმში, ლენინის ქ. № 7-ში, ლაკობას ქუჩის კუთხეში.

როცა ეს სახლი აუშენებიათ, ინჟინერს სულაც არ უფიქრია იმაზე, რომ იგი მუდმივად და ფერუცვლელად დაამშვენებდა ქუჩას და შეიკედლებდა საყვარელ ბინადრებს. ინჟინერი ჰკვირავს და შეიკედლებდა საყვარელ ბინადრებს. ინჟინერი ჰკვირავს ან კაცი იყო და ზეპირად იცოდა, რომ ერთ მშენებელს დღეს უამთავლისაგან, ასე ვთქვათ, შებერტყილ სახლს, ერთხელაც იქნებოდა, რემონტი დასჭირდებოდა.

დრომ თავისი გაიტანა და დაამტკიცა მშენებელი ინჟინრის ნაფიქრალი, მის ნახელავსაც ისე მოუქცია ყბა, რომ, რემონტის გარეშე, შიგ ცხოვრება საშიშარი გახადა.

როცა სახლი კერძოა, კერძო მფლობელი პატრონობს მას და, კარგად თუ ავად, საზოგადოებაში გამოსაჩენს ხდის, მაგრამ, როცა სახლი ქალაქის საბჭოს ეკუთვნის, წესისა და რიგის თანახმად, მას ქალაქის საბჭომ უნდა უპატრონოს. მაგრამ, საუბედუროდ, სახლის მოვლა-პატრონობა მარტო ბინის ქირის აღებით სულაც არ ამოიწურება, საჭიროა სახლს შეუკეთდეს მინგრეულ-მონგრეული კიბეები, ბათქაშაღლილი კედლები, ამოცვენილი იატაკი, ახდლილი სახურავი, ერთის სიტყვით, სახლი დაემგვანოს სახლს.

საქმეც ისაა და უბედურებაც იმაშია, რომ მოძველდა ზემოთ ხსენებული სახლი, მხდალი და მშიშარა არავინ არ ცხოვრობდა შიგ, მაგრამ შეეშინდათ მაინც მაცხოვრებლებს და უხშირეს და უხშირეს სახლმმართველ შოთა ორიგავასთან არზებით სიარულს, ესაო და გვიჭირს და გვიშველეთ, მოიღეთ მოწყალეობა და, როგორმე ისე გააკეთეთ, რომ სახლი თავზე არ დაგვეგრეს, ჩვენც არა ვართ ზედმეტი ქვეყნისათვის, საჭირო ხალხი ვართ და ნუ გავგწირავთ, სახურავიდან წვიმა ჩამოდის, ჭერი საცაა ჩამოინგრევა და ზღართანს მოადენს იატაკზე. სანიტარული კანძები უმოქმედოდაა ზემო სართულ-



ზე, კიბეები ყოველ ამსვლელ-ჩამომსვლელს სიკვდილით ემუქრება, — ჰოდა, გვიშველეთ, შეგვიკეთეთ სახლიო.

დაამშვიდეს სახლის ბინადარნი: ეჭიბიაც, ოდიშარიაც, კაბანაძეც და მრავალი სხვაც, ნუ გეშინიათ, ჩვენ ვიცით და ჩვენმა კაცობამ, გიშველით, ყოველგვარი მიზეზის გარეშე გიშველით. აბა, ასე რომ არ მოვიქცეთ, ქვა ხომ არ გვიდევს გულის მაგივრადო.

ითქვა შეპირება, შეირხა ჰაერი და მიყუჩდა ყველაფერი. ამასობაში სახლი უფრო და უფრო ინგრეოდა და ვერანდებოდა, ისევ იწერებოდა საჩივრები, დაპირება ისევ მისდევდა დაპირებას, მაგრამ უშედეგოდ.

ბოლოს გალღვა ყინული. მოუღმა გული ვისაც ჯერ არს, გამოიგზავნა ორი ბრიგადა, რომელთაც ებრძანათ ხელიხელჩაკიდებულად ემუშავათ და მოეყვანათ სახლი წესრიგში.

დატრიალდნენ ბრიგადები. მოზიდეს სამშენებლო მასალა, შემოლობეს ეზო, დახვავდა აგური, ცემენტი, გაჯი და გაჩაღდა მუშაობა.

ერთმა ბრიგადამ სახლის კუთხე მოარღვია უმოწყალოდ, მეორემ სახურავი აადლიზა სახლს... და მიყუჩდა ყველაფერი და მობინადრეთა უდროო აღტაცებას უდროოდ მოელო ბოლო, მერემონტები ცამ ჩაყლაპა, თუ დედამიწამ, ვერავინ გა-

იგო. წავიდნენ და სახლის შერემონტების სახუკვარმა საქმეებმაც წაილო თქვენი ქირი.

მერემონტეთა კვალდაკვალ გაქრა მოზიდული აგურებიც, ცემენტიც, გაჯიც და სხვა საშენი მასალებიც... ისევ აღშფოთდნენ მობინადრენი, მაგრამ მათი აღშფოთება არც სახურავად მოერგო სახლს, არც კედლების მაგივრად გამოდგა, არც კიბის მაგივრობა გასწია. ზოგი ბინადარი მონჯლრეულ კიბეზე დაშავდა და ფეხმოტეხილს საავადმყოფოში ამოაყოფინეს თავი.

და ახლა ვკითხულობთ ჩვენ, ნუთუ ქალაქის საბჭო იმიტომ აჭიანურებს ამ სახლის რემონტის დამთავრებას, რომ საკურორტო სეზონის დროს საბჭოთა კავშირის ყველა კუთხიდან და, აგრეთვე, საზღვარგარეთიდანაც ჩამოსულ ათასობით ტურისტსა და დამსვენებელს დაახახოს თავისი მუშაობის „გაჭიანურებული სტილი“, ანდა უნდა, რომ სარემონტო სახლის ყველა ბინადარს მოტყდეს თავი და ფეხები, რათა არავინ დარჩეს მომთხოვნი და მომჩივანი და თვითონ დაიარხებინონ თავი, არაფერი აკეთონ და საქმე მაინც ჩინებულად მიუდიოდეთ?

ასეა თუ ისე, დროა ქალაქის საბჭომ ერთხელ კიდევ გაიხსენოს ეს ერთხელ რის ვაი-ვაგლახით გახსენებული სახლი და მისი რემონტი, ბოლოს და ბოლოს, ბოლომდე მიიყვანოს.

**ი. გერსამია.**



ნახ. გ. ფირცხალავასი

— ჩვენი მაღაზიის გამგე ფეხით რომ დადის, „ვოლგა“ ხომ არ გაუიდა?

— ასე ამბობს, ექიმებმა ფეხით სიარული მირჩიეს და მანქანა მეზობელს ვაჩუქეო!



# მოქარული უღუფა



ლორის ყველა დადებით და უარყოფით თვისებას კარგად იცნობდნენ პატარა ფოთის მელორეობის მეურნეობის დირექტორი ვალერიან გოგინავა და მისი ავანგარდის. ყველაზე მეტად კი ლორის ერთ თვისებას აფასებდნენ მეურნეობის მესვეურები, კერძოდ იმ თვისებას, რომ ლორს არ შეეძლო შედგენილი აქტის წაკითხვა, არ შეეძლო განცხადებისა და საჩივრის დაწერა. თურმე ნუ იტყვიან. და კიდევ ერთი თვისება ჰქონია ლორს, ვერა და ვერ ეგუება დაბალ ჰაერს, მის ჯანმრთელობაზე ცუდად მოქმედებს და უდროოდ ატოვებინებს წუთისოფელს. ფოთში კი, სამწუხაროდ, დაბალი ჰაერია.

ეს კიდევ არაფერი, პატარა ფოთის მეურნეობის ლორებს განსაკუთრებული მადა აღმოაჩნდათ, თუ ჩვეულებრივი უბრეტენზიო ლორი პატრონს ერთ კილოგრამ ხორცს თავაზობს შვიდ საკვებ ერთეულზე, ფოთის მეურნეობის ლორები რვა, ცხრა და ათ ერთეულსაც არ კმარებდნენ, და თანაც ყოველწლიურად ეზრდებოდნენ მოთხოვნილებს. თუ 1960 წლისათვის ერთი კილოგრამი ხორცის საწარმოებლად დასჭირდათ 12,5 საკვები ერთეული, 1961 წელს ეს ციფრი 13,5-მდე ავიდა, ხოლო 1962 წლის პირველი კვარტალისათვის — 16 საკვებ ერთეულამდე. თითქოს და ჩვენს წინ ტალახში მოგორავე, მაგრამ მაინც ნამუსგარეცხილი ლორები იყვნენ, რომლებიც საკუთარი სტომაქის იქით არ იყურებოდნენ, მაგრამ, არა, ასე როდია საქმე!

გოგინავამ, იცოდა რა, რომ ლორი ბუნებით არ არის ინტრიგანი და უკმაყოფილებას მხოლოდ ღრუტუნით გამოთქვამს, მიუშვა აღვირები ფერმაში და ეძგერენ ფერმის მუშაკებზე ლორის უღუფას.

შეიქმნა ჯადოსნური წრე. ლორებს აკლებდნენ უღუფას, აქტებში კი საკვებს ზღაპრულად ზრდიდნენ, აქაო და მადანე არიან მეურნეობის ლორები, ლორები უწყალოდ იხოცებოდნენ. სამაგიეროდ, აქტებით შედგენილი საკვები იყიდებოდა და მიღებული ფულის ნაწილიდან ხდებოდა ლორების „მკვდრეთით აღდგომა“, ნაწილი კი, გოგინავასა და მეურნეობის მოლარე-მოანგარიშე ალიოშა სანაიას თქმით, იხარჯებოდა პირადი შეხედულებისამებრ. ასე, მაგალითად, ფოთის ბანკის მმართველ ჩიქოვანს მიერთვა ორმოცდაათი მანეთი პატივისცემის ნიშნად, ოცდათვრამეტი მანეთი ჩამოსული სტუმრების საპურმარილოდ, რვა მანეთი სტუმრის რკინიგზის ბილეთისათვის, და ასე შემდეგ.

მეურნეობის მუშაკებს „კეთილსინდისიერად“ ჰქონდათ განაწილებული სახელმწიფო ქონების განიავების საქმე. მოლარე-მოანგარიშე სანაიას ევალეზობდა ფონდირებულ-კომბინირებული საკვების გაყიდვა კერძო პირებზე, ფერმის გამგეებს ივანე თოფურიასა და გიორგი გვალისა კი ამ გაყიდული საკვების გაფორმება ფურაჟად და ყალბი უწყისების შედგენა, (ვითომდა ამ საკვებით ლორებს ჩაეკოკლოზინებინოთ პირი), მესაქონლეობის მეურნეობის საწყობის გამგე დურუ ნასარაიას — სიმინდისა და კომბინირებული საკვების გაყიდვა.

სამართლიანობა მოითხოვს ითქვას, რომ დურუმ მისი ეს მისია ბრწყინვალედ შეასრულა და 2559 მანეთი წააცანცლა მეურნეობას.

მემინდვრეობის ბრიგადირს შოთა შონიას შეთავსებით ევალეზობდა შეშის განიავება, რომელიც „პირნათლად“ შეასრულა

ლა და 741 კუბიკური მეტრი შეშა თვალსა და ხელს უშუალოდ დაეჭირა. სიმინდის საწყობის გამგე კირილე პაპავას კი რა უნდა დავალეზობდა, თუ არა სიმინდის გაიმასქნება, მაგრამ კირილემ იმდენი მოახერხა, რომ 14.443 კგ სიმინდის გარდა 49 კუბ. მეტ. შეშაც ააორთქლა.

რა ევალეზობდა გოგინავას? რა თქმა უნდა, კონტროლი, და ისიც ყოველ წელიწადს ადგენდა საინვენტარიზაციო კომისიას. რომლის თავმჯდომარედაც ნიშნავდა თავის თავს, კომისიის წევრებს არ ტვირთავდა შრომით, თვითონაც ხუჭავდა თვალეზს, და ინვენტარიზაციაც ტარდებოდა ფორმალურად, ისე რომ, არავის გული არ ტკენოდა და ლორის უღუფით მინიჭებული სიამოვნება არავის ჩაშხამებოდა.

მაგრამ ლორის უღუფა საკმაოდ ძვლიანი აღმოჩნდა და კომბინატორებს ყელში გაეჩხირათ. რა თქმა უნდა, ძნელია 750.223 საკვები ერთეულის მითვისება, თუ იმასაც გავითვალისწინებთ, რომ ამ რაოდენობის საკვებს შეეძლო 18 ათასამდე კილოგრამი ხორცი მოეცა.

მწარე ყოფილა მოპარული უღუფა.

ორნი.

ნახ. ჯ. ლოლუასი



— რას გავს ეს, ერთ ბოთლ ლიმონათში აბაზს მახდევინებთ?!  
 — ბოდიში, ბატონო, მე მეგონა ბოთლიანად დალიეთ!

რედაქტორი ნ. შველიძე.

სარედაქციო კოლეგია: ნ. დუმბაძე, ს. კლდიაშვილი, ნ. მაღაზონია, მ. ქარჩავა, თ. ჰელიძე.

საქ. კვ ცენტრალური კომიტეტის გამომცემლობა

თბილისი. სატირისა და იუმორის ჟურნალი „ნიანგი“. Тбилиси. Сатирико-юмористический журнал „Ниянги“. რედაქციის მისამართი: რუსთაველის განზ. № 42. ტელეფონები: რედაქტორის — 1-76-69, საერთო განყოფილების — 3-10-49

ხელმოწ. დასაბ. 29/VI-1962 წ. ქალ. ზომა 70x108 1/8, 0,5 ნაბ. ფურც. 1,37. ფიზიკურ ფორმათა რაოდენობა 0,5. პირობით ფორმათა რაოდენობა 1, ხელნაწერები ავტორებს არ უბრუნდებათ. პოლიგრაფკომბინატი „კომუნისტი“, ლენინის ქ. № შვეკ. № 1286, უფ. 09154 ტირაჟი 40.000

62-367

თარგმანი  
საზღვრო



შარბინის ხარბობი.